



Broj/Broj: 01/a – 50 – 1 – 15 - 71/10
Sarajevo/Sarajevo: 10.2.2010.

ZAPISNIK
71. sjednice Predstavničkog doma
Parlamentarne skupštine Bosne i Hercegovine,
održane 3. 2. i 10. 2. 2010. godine

Sjednica je počela u 10 sati. Prisustvovalo je 40 poslanika.

Opravdano su odsustvovali Lazar Prodanović i Jerko Ivanković Lijanović.

Iz Vijeća ministara BiH sjednici su prisustvovali: Mladen Zirojević, Sredoje Nović, Bariša Čolak i Rudo Vidović.

Iz međunarodnih organizacija sjednicu su pratili predstavnici: OSCE-a, USAID PSP-a, američke ambasade, britanske ambasade, Visokog sudskog i tužilačkog vijeća BiH i Agencije za zastupanje i zaštitu autorskih prava Sarajevo – Sine Qua Non.

Sjednici je prisustvovao i generalni revizor Milenko Šego.

Nakon što je kratko upoznao Dom sa izmjenama dnevnog reda, predsjedavajući je otvorio raspravu o dnevnom redu.

U raspravi su učestvovali: Husein Nanić, Drago Kalabić, Denis Bećirović, Selim Bešlagić, Slavko Jovičić, Branko Dokić, Sefer Halilović, Beriz Belkić, Zlatko Lagumdžija, Niko Lozančić, Milorad Živković, Mirko Okolić i Martin Raguž.

Husein Nanić predložio je da se dnevni red sjednice dopuni tačkom: „Imenovanje tri predstavnika iz Predstavničkog doma Parlamentarne skupštine BiH u Komisiju za izbor i praćenje rada Agencije za prevenciju korupcije i koordinaciju borbe protiv korupcije“.

Zlatko Lagumdžija predložio je da se dnevni red sjednice dopuni tačkom: „Zaključak: Zadužuje se Vijeće ministara BiH, s posebnim uklonom na nadležnosti Ministarstva sigurnosti BiH, Ministarstva pravde BiH, Ministarstva za ljudska prava i izbjeglice BiH i Ministarstva vanjskih poslova BiH, da pripremi informaciju o akciji „Svjetlost“, izvršenoj 2.2.2010., s prijedlogom mjera i daljnjih aktivnosti, najkasnije do naredne sjednice“.

Branko Dokić predložio je da se dnevni red sjednice dopuni tačkom: „Razmatranje inicijative za donošenje odluke o formiranju privremene komisije Predstavničkog doma za izradu Prijedloga zakona o popisu stanovništva, domaćinstava i stanova u Bosni i Hercegovini 2011. godine“.

Sefer Halilović predložio je da se dnevni red sjednice dopuni tačkom: Problemi pripadnika Oružanih snaga BiH kojima u 2010. godini ističe ugovor i nalaženje mogućnosti za njihovo trajno zbrinjavanje.

Dom je prešao na glasanje o predloženim dopunama dnevnog reda kako slijedi:

Prijedlog Huseina Nanića usvojen je jednoglasno, s 27 glasova „za“ (iz Federacije BiH 16, iz Republike Srpske 11), te je uvršten kao 29. tačka dnevnog reda.

Prijedlog Zlatka Lagumdžije također je usvojen jednoglasno, s 30 glasova „za“ (iz Federacije BiH 19, iz Republike Srpske 11), te je uvršten kao 30. tačka dnevnog reda.

"Za" prijedlog Branka Dokića glasalo je 29 poslanika (iz Federacije BiH 18, iz Republike Srpske 11), „protiv“ je glasao jedan, a tri poslanika bilo je „suzdržano“. Predsjedavajući je konstatirao da je Dom usvojio prijedlog te da je uvršten kao 31. tačka dnevnog reda.

Što se tiče prijedloga Sefera Halilovića, predsjedavajući je predložio da predlagač preformulira svoj prijedlog u inicijativu, u okviru poslaničkih pitanja, koju će Kolegij proslijediti nadležnoj komisiji i da se pokuša dobiti odgovarajući materijal koji bi, u skladu s Poslovníkom, mogao da bude tačka dnevnog reda. Sefer Halilović saglasio se s ovim prijedlogom.

Predsjedavajući je konstatirao da 71. sjednica Predstavničkog doma ima sljedeći

D N E V N I R E D

1. Usvajanje Zapisnika 70. sjednice Predstavničkog doma;
2. Poslanička pitanja:
 - a) Komentari na dobivene odgovore,
 - b) Nova poslanička pitanja;
3. Prijedlog zakona o protuminskom djelovanju u Bosni i Hercegovini, predlagač: Vijeće ministara BiH, zakon broj: 01, 02 – 02 – 8 - 54/09, od 3. 6. 2009. (drugo čitanje),
4. Prijedlog zakona o zaštiti novih sorti bilja u Bosni i Hercegovini, predlagač: Vijeće ministara BiH, zakon broj: 01, 02 – 02 – 2 – 111 /09, od 1. 12. 2009. (drugo čitanje),
5. Prijedlog zakona o izmjenama i dopunama Zakona o carinskoj tarifi Bosne i Hercegovine, predlagač: Vijeće ministara BiH, zakon broj: 01, 02 – 02 – 2 - 105/09, od 17.11.2009. (drugo čitanje),
6. Prijedlog zakona o izmjenama i dopunama Zakona o politici direktnih stranih ulaganja u Bosni i Hercegovini, predlagač: Vijeće ministara BiH, zakon broj: 01, 02 – 02 – 4 – 115/ 09, od 9. 12. 2009. (drugo čitanje),
7. Prijedlog zakona o izmjenama i dopunama Zakona o Javnom radiotelevizijskom sistemu Bosne i Hercegovine, predlagač: Vijeće ministara BiH, zakon broj: 01, 02 – 02 – 3 – 97/09, od 16. 10. 2009. (drugo čitanje),
8. Prijedlog zakona o izmjenama i dopunama Zakona o Javnom radiotelevizijskom servisu Bosne i Hercegovine, predlagač: Vijeće ministara BiH, zakon broj: 01, 02 – 02 – 3 – 98/09, od 16. 10. 2009. (drugo čitanje),
9. Prijedlog zakona o izmjenama i dopunama Zakona o komunikacijama, predlagač: Vijeće ministara BiH, zakon broj: 01, 02, - 02 – 3 – 99 /09, od 16. 10. 2009. (drugo čitanje),
10. Prijedlog zakona o obligacionim odnosima, predlagač: Vijeće ministara BiH, zakon broj: 01,02 – 02 – 5 - 3/10, od 18.1.2010. (prvo čitanje),
11. Prijedlog zakona o autorskim i srodnim pravima, predlagač: Vijeće ministara BiH, zakon broj: 01, 02 – 02 – 2 - 5/10, od 18. 1. 2010. (prvo čitanje),
12. Prijedlog zakona o kolektivnom ostvarivanju autorskih i srodnih prava, predlagač: Vijeće ministara BiH, zakon broj: 01, 02 – 02 – 2 - 4/10, od 18. 1. 2010. (prvo čitanje),
13. Prijedlog zakona o izmjeni i dopunama Zakona o carinskoj politici Bosne i Hercegovine, predlagač: Vijeće ministara BiH, zakon broj: 01, 02 – 02 – 2 - 1/10, od 6. 1. 2010. (prvo čitanje),
14. Prijedlog zakona o izmjenama i dopunama Zakona o osnovama sigurnosti saobraćaja na putevima u Bosni i Hercegovini, predlagač: Vijeće ministara BiH, zakon broj: 01, 02 – 02 – 3 - 8/10, od 19.1.2010. (prvo čitanje),
15. Prijedlog zakona o radnom vremenu, obaveznim odmorima mobilnih radnika i uređajima za evidentiranje u drumskom prijevozu, predlagač: Vijeće ministara BiH, zakon broj: 01,02 – 02 – 3 - 2/10, od 8. 1. 2010. (prvo čitanje),

16. Prijedlog zakona o izmjenama i dopunama Okvirnog zakona o visokom obrazovanju, predlađač: poslanik Denis Bećirović, zakon broj. 01 – 02 – 7 - 108/09, od 24. 11. 2009. (prvo čitanje),
17. Prijedlog zakona o porezu na dodatu vrijednost s Mišljenjem komisije za finansije i budžet, predlađač: Klub poslanika SNSD-a, zakon broj: 01-02-4-35/09, od 10.4.2009.,
18. Izvještaj komisije Kolegija o nastojanju za postizanje saglasnosti o Prijedlogu zakona o dopuni Krivičnog zakona Bosne i Hercegovine, predlađač: poslanik Denis Bećirović – zakon u prvom čitanju,
19. Izvještaj komisije Kolegija o nastojanju za postizanje saglasnosti o prijedlogu zaključka poslanika Vinka Zorića sa 68. sjednice Doma, održane 30. 12. 2009., koji glasi: „Iz budžetske rezerve bit će izdvojeno 700.000. KM za vrhunske rezultate sportista. Sredstvima će raspolagati Ministarstvo civilnih poslova BiH, odnosno Vijeće ministara BiH, po jasno utvrđenim kriterijima a dobiti ih mogu savezi registrirani na nivou Bosne i Hercegovine čije su reprezentacije postigle uspjehe na međunarodnim takmičenjima. Sredstva se dodjeljuju tokom godine kad bude ostvaren dobar rezultat. Isto tako, Ministarstvo može podržati međunarodna takmičenja na nivou reprezentacija“ (odgođeno izjašnjavanje na 70. sjednici, održanoj 21. 1. 2010.),
20. Izvještaj o reviziji izvršenih donacija Visokog sudskog i tužilačkog vijeća BiH u periodu od 2006. do 2008. (materijal Ureda za reviziju institucija BiH, akt broj: 01,02-16-1-1372/09, od 7.12.2009.),
21. Izvještaj o reviziji Javnog radiotelevizijskog servisa Bosne i Hercegovine za 2008. godinu (materijal Ureda za reviziju institucija BiH, akt broj: 01,02 – 16-1-1375/09, od 7.12.2009.),
22. Izbor tri člana Upravnog odbora Agencije za razvoj visokog obrazovanja i osiguravanje kvaliteta na period od tri godine (prijedlog jedinstvene rang-liste kandidata Privremene zajedničke komisije oba doma PSBiH broj: 01,02-50-1-49-5/10, od 18.1.2010.),
23. Imenovanje člana Predstavničkog doma u Stalnu delegaciju Parlamentarne skupštine BiH u Parlamentarnu skupštinu Mediterana (umjesto preminulog poslanika Joze Križanovića),
24. Izjašnjavanje o inicijativi poslanika Mirjane Malić za pokretanje aktivnosti nadležnih državnih organa (Vijeća ministara BiH i Parlamentarne skupštine BiH) za promjenu Ustava BiH i Izbornog zakona BiH u skladu s pravosnažnom odlukom Evropskog suda za ljudska prava,
25. Izjašnjavanje o inicijativi poslanika Adema Huskića za uvrštavanje u dnevni red Predstavničkog doma tačke: Odluka o proglašenju 27. januara Danom sjećanja na žrtve holokausta,
26. Izjašnjavanje o inicijativi poslanika Adema Huskića za uvrštavanje u dnevni red Predstavničkog doma tačke: Odluka o proglašenju 11. jula Danom sjećanja na žrtve genocida u Srebrenici,
27. Izjašnjavanje o inicijativi poslanika Remzije Kadrića, Sadika Bahtića i Adema Huskića za uvrštavanje u dnevni red Predstavničkog doma tačke: Pokretanje procedure za razrješenje Upravnog odbora Radio – televizije Bosne i Hercegovine“,
28. Izmjene u članstvu komisija Predstavničkog doma i zajedničke komisije oba doma:
 - a) Selim Bešlić imenuje se za člana Zajedničke komisije za odbranu i sigurnost BiH,
 - b) Nermina Zaimović - Uzunović imenuje se za člana Komisije za vanjsku trgovinu i carine i
 - c) Nermina Zaimović - Uzunović imenuje se za člana Komisije za ravnopravnost spolova, umjesto preminulog Joze Križanovića,

29. Imenovanje tri predstavnika iz Predstavničkog doma PSBiH u Komisiju za izbor i praćenje rada Agencije za prevenciju korupcije i koordinaciju borbe protiv korupcije,
30. Zaključak: Zadužuje se Vijeće ministara BiH s posebnim uklonom na nadležnosti Ministarstva sigurnosti BiH, Ministarstva pravde BiH, Ministarstva za ljudska prava i izbjeglice BiH i Ministarstva vanjskih poslova BiH da pripremi informaciju o akciji „Svjetlost“, izvršenoj 2.2.2010., s prijedlogom mjera i daljih aktivnosti, najkasnije do naredne sjednice,
31. Razmatranje inicijative za donošenje odluke o osnivanju privremene komisije Predstavničkog doma za izradu Prijedloga zakona o popisu stanovništva, domaćinstava i stanova u Bosni i Hercegovini 2011. godine,
32. Davanje saglasnosti za ratifikaciju:
 - a) Sporazuma između Ministarstva vanjskih poslova BiH i Federalnog ministarstva evropskih i međunarodnih poslova Republike Austrije o saradnji u oblasti razvoja,
 - b) Ugovora o kreditu za projekat izgradnje postrojenja za desumporizaciju gorivnih plinova za termoelektranu Ugljevik između Japanske agencije za međunarodnu saradnju i Bosne i Hercegovine,
 - c) Ugovora o zajmu i projektu između KfW, Frankfurt na Majni, i Bosne i Hercegovine, i Republike Srpske i Grada Banje Luke - Vodosnabdijevanje i kanalizacija u Gradu Banjoj Luci (komponenta 1: vodosnabdijevanje),
 - d) Ugovora o finansiranju i projektu između KfW, Frankfurt na Majni, i Bosne i Hercegovine i Republike Srpske i Grada Banje Luke – Gradski sistem vodosnabdijevanja i odvođenja otpadnih voda u Gradu Banjoj Luci (komponenta 2: sistemi za odvođenje otpadnih voda),
 - e) Sporazuma o zajmu između Bosne i Hercegovine, koju zastupa Ministarstvo finansija i trezora BiH, i Mađarske izvožno-uvozne banke za projekat - Tretman otpadnih voda u općini Tuzla,
 - f) Sporazuma između Bosne i Hercegovine i Češke Republike o izbjegavanju dvostrukog oporezivanja u odnosu na poreze na dohodak i na imovinu,
 - g) Sporazuma između Vijeća ministara BiH i Vlade Federativne Republike Brazil o oslobađanju od viza za nosioce diplomatskih, zvaničnih i službenih pasoša,
 - h) Amandmana na Ustav Međunarodne organizacije rada iz 1997. godine.

Ad.1. Usvajanje Zapisnika 70. sjednice Predstavničkog doma

Nije bilo rasprave o Zapisniku.

Zapisnik 70. sjednice usvojen je s 30 glasova „za“ (iz Federacije BiH 20, iz Republike Srpske 10), dva „protiv“ i jednim „suzdržanim“ glasom.

Ad.2. Poslanička pitanja:

- a) Komentari na dobivene odgovore,**
- b) Nova poslanička pitanja;**

Predsjedavajući Živković konstatirao je da su od prošle do ove sjednice odgovore na postavljena pitanja dobili:

- Lazar Prodanaović – od Vijeća ministara BiH, na pitanje postavljeno na 15., 30., 32. i 69. sjednici,
- Šemsudin Mehmedović - od od RTRS-a, na pitanje postavljeno na 66. sjednici
- Selim Bešliagić - od Vijeća ministara BiH, na pitanje postavljeno na 63. i 64. sjednici (dva odgovora),
- Rifat Dolić - od Vijeća ministara BiH, na pitanje postavljeno na 31.,42. i 63. sjednici,

- Husein Nanić - od Direkcije za ceste FBiH i Federalnog ministarstva prometa i komunikacija, na pitanje postavljeno na 69. sjednici, i od Vijeća ministara BiH, na pitanje postavljeno na 66. sjednici,
- Milorad Živković – od Instituta za akreditiranje i Ministarstva vanjskih poslova BiH, na pitanje postavljeno na 64. sjednici.

a) Komentari na dobivene odgovore

Odgovore su komentirali: Selim Bešliagić i Azra Alajbegović.

U okviru komentara na dobivene odgovore, pitanje je ponovila:

Azra Alajbegović

„Koliko je došlo sredstava u BiH od sukcesije i koliko ih ima s današnjim danom na računu?“

b) Nova poslanička pitanja

Postavljena su nova poslanička pitanja kako slijedi:

Niko Lozančić:

„1. Da li je ikada, a posebno tokom 2009. godine, bilo koja od nama susjednih država dostavila bilo kakav zahtjev nadležnim organima BiH za primjenu posebnih mjera (prisluškivanje telefona) na teritoriji BiH i ako jeste u kolikom je to broju slučajeva i po kojem međunarodnom ugovoru ili zakonu BiH je to eventualno odobreno?“

1a) Ako je odgovor na pitanje broj 1. slučajno negativan, onda sljedeće pitanje – raspoložu li ove iste institucije, ili bilo koja od ovih institucija kojoj je upućeno ovo prvo pitanje, saznanjima da se u ovoj državi prisluškuju građani ove države po nalogu sudova drugih država? Ako se utvrdi da su moja navodna saznanja tačna, šta će preduzeti iste ove institucije da se sankcioniraju odgovorni i da se u budućnosti spriječe ovakve mogućnosti, ako su u suprotnosti s važećim zakonima BiH i međunarodnim sporazumima i konvencijama koje je ratificirala BiH?

1b) Šta namjeravaju preduzeti na međunarodnom planu kako bi se ovakva ponašanja drugih država, ako su bila i ako su nelegalna, spriječe i osude i sankcioniraju?“

2. „Zašto Visoko sudsko i tužilačko vijeće BiH opstruira popunu Ustavnog suda Federacije BiH i kada će nadležnim organima Federacije BiH dostaviti liste kvalificiranih kandidata za upražnjene pozicije troje sudija Ustavnog suda Federacije BiH, i to jednog iz hrvatskog, jednog iz srpskog i jednog iz bošnjačkog naroda?“

Sadik Bahtić

„Zbog čega do sada, u skladu s Aneksom IX. Dejtonskog sporazuma, nije uspostavljena korporacija za poštanski saobraćaj na državnom nivou?“

Sefer Halilović

1. „Zadužuje se Kolegij Predstavničkog doma Parlamentarne skupštine BiH da zatraži od Vijeća ministara BiH kompletnu informaciju o stanju pripadnika Oružanih snaga BiH kojima u toku 2010. godine ističe ugovor i prijedlog rješenja za njih, kako bi se na narednoj sjednici Predstavničkog doma o ovom važnom pitanju obavila rasprava i donijele odluke.“

2. „Da li su i po kojem osnovu menadžment i Nadzorni odbor Pravnog fakulteta u Sarajevu u periodu septembar-decembar 2009. godine isplatili zaposlenima po 14,5 plaća svim zaposlenim na Pravnom fakultetu?“

Selim Bešlić

„U svim zakonima koji su doneseni u Parlamentu BiH i u kojima stoji član da zakoni na nižim nivoima treba da se usaglase do određenog roka – Da li je to obaveza i ko su nadležni za provođenje te obaveze, te koje su sankcije za one koji nisu primijenili taj član?“

Azra Alajbegović

„Koliko ima obrađenih zahtjeva za dodjelu državljanstva BiH i zašto se ne odlučuje o tim zahtjevima blagovremeno, ne ulazeći u specifičnu težinu odluke? Koliko se čeka najduži zahtjev, koliko najkraći, koliki je prosjek čekanja odluke o dodjeli državljanstva?“

Lejla Klokić

„Ko su članovi radne grupe koju predvodi Ministarstvo za ljudska prava i izbjeglice BiH i koji su razlozi zbog kojih se do danas nije odgovorilo na sugestiju Vijeća nacionalnih manjina BiH da se jedan od predstavnika Vijeća uključi u proces revizije Akcionog plana o obrazovnim potrebama Roma i ostalih nacionalnih manjina u BiH?“

Rifat Dolić

1. „Koje sve zakonski ustanovljene poticaje danas privreda, poduzetnici, proizvođači u BiH imaju na raspolaganju u pokušaju održavanja i povećanja proizvodnje i izvoza i očuvanja radnih mjesta u ovom recesijskom vremenu koje proizvodi očaj jednak kod poslodavaca i kod onih koji su u svakodnevnoj opasnosti od gubitka posla?“
2. Da li se na sredstva prikupljena u humanitarne svrhe pozivom na određene brojeve telefona uplaćuje PDV ili provizija operaterima? A ako je to tačno što pretpostavljam, postoji li mogućnost i kakva je procedura da se ovako namjenski prikupljena sredstva za humanitarne svrhe oslobode PDV-a i operaterske provizije ili da se i ovaj dio sredstava izdvoji kao njihovo učešće u humanitarnoj akciji?“

Vesna Šain

„Molim Regulatornu agenciju za komunikacije da mi odgovori kada će raspisivati konkurs za dodjelu radiofrekvencije?“

Momčilo Novaković

- a) Da li je odjeljenje, odnosno Sektor za provođenje carinskih propisa i kontrolu carinskih propisa uredno i redovno provodilo kontrolu provođenja carinskih propisa?
- b) Koliko je ova kontrola efikasna, odnosno da li je osnov njenog rada povećan priliv sredstava u budžet?
- c) Koje slučajeve je ovo odjeljenje kontroliralo i kakvi su nalazi?
- d) Šta je preduzeto u slučajevima eventualno utvrđenih nepravilnosti?
- e) Da li se efikasno koristi oprema koju je ovom odjeljenju (sektoru) donirao CAFAO i koja je to oprema?

Nermina Zaimović – Uzunović

„Šta je u domenu svojih nadležnosti uradilo Ministarstvo vanjske trgovine i ekonomskih odnosa BiH u oblasti zaštite okoliša od zagađenja koje je rezultat rada preduzeća investitora na cijeloj teritoriji BiH (npr. Arcelor Mittal)?

Da li je i koje mehanizme Vijeće ministara BiH, odnosno ovo ministarstvo predvidjelo kao zaštitu od investitora koji dolaze u BiH s prljavim tehnologijama?“

Adem Huskić

„Zbog čega JP Službeni list BiH ne primjenjuje izmjene i dopune Zakona o službenom glasilu BiH, objavljenom u „Službenom glasniku BiH“, broj 103/09, a posebno imajući u vidu odredbe Zakona o slobodi pristupa informacijama koje je usvojio ovaj parlament a koje su objavljene u „Službenom glasniku BiH“, broj 102/09?

Remzija Kadrić

„Da li je i koliko do sada pokretano sudskih i drugih postupaka pravne zaštite radi povrata imovine i imovinskih prava u skladu s Aneksom G Sporazuma po pitanju sukcesije bivše SFRJ?“

Husein Nanić

„Da li će ministarstvo pokrenuti izradu jedinstvenih kriterija za kategorizaciju magistralnih puteva na nivou BiH?“

Željko Kuzmanović

„Molim Upravni odbor BHRT-a i Ministarstvo saobraćaja i komunikacija BiH da mi dostavi informaciju o donaciji Kraljevine Saudijske Arabije za digitalizaciju emitera Javnog RTV servisa u BiH i obrazloženje o potencijalnoj posredničkoj ulozi firme „HA MEDIA“ iz Zagreba u realizaciji te donacije?“

Halid Genjac

„Šta je Regulatorna agencija za komunikacije preduzela ili će preduzeti povodom reagiranja velikog broja nezadovoljnih vjernika koji su protestirali zbog emitiranih sadržaja u posljednjim epizodama serije „Lud, zbunjen, normalan?“

Ad.3. Prijedlog zakona o protuminskom djelovanju u Bosni i Hercegovini, predlađač: Vijeće ministara BiH, zakon broj: 01, 02 – 02 – 8 - 54/09, od 3. 6. 2009. (drugo čitanje)

Nakon uvodnih napomena prvog zamjenika predsjedavajućeg Nike Lozančića, u raspravi su učestvovali: Šefik Džaferović, Niko Lozančić, Remzija Kadrić, Azra Alajbegović, Bakir Izetbegović, Husein Nanić i ministar Sredoje Nović.

Šefik Džaferović predložio je sljedeći zaključak:

„Odgada se izjašnjavanje o Prijedlogu zakona o protuminskom djelovanju u BiH. Zadužuje se nadležna komisija da sačini novi izvještaj, nakon konsultacija s resornim ministarstvom, međunarodnim organizacijama i predstavnicima ključnih zemalja donatora.“

Predsjedavajući je napomenuo da se Dom može izjasniti samo o prvom dijelu zaključka, s obzirom da ne postoji poslovnička mogućnost za realizaciju drugog dijela zaključka.

„Za“ prijedlog zaključka glasala su 24 poslanika (iz Federacije BiH 20, iz Republike Srpske četiri), „protiv“ je glasalo sedam poslanika a pet je bilo „suzdržano“. Predsjedavajući je konstatirao da nema potrebne entitetske većine, pa je Kolegij odmah proveo usaglašavanje. Kako nije postignuta saglasnost, prešlo se u drugi krug glasanja.

U drugom krugu, „za“ su glasala 24 poslanika (iz Federacije BiH 20, iz Republike Srpske četiri), „protiv“ je glasalo 12 poslanika (iz Federacije BiH tri, iz Republike Srpske devet), a niko nije bio „suzdržan“. Predsjedavajući je konstatirao da je usvojen zaključak koji sada glasi:

„Odgada se izjašnjavanje o Prijedlogu zakona o protuminskom djelovanju u BiH.“

Ad.4. Prijedlog zakona o zaštiti novih sorti bilja u Bosni i Hercegovini, predlagač: Vijeće ministara BiH, zakon broj: 01, 02 – 02 – 2 – 111 /09, od 1. 12. 2009. (drugo čitanje)

Nakon uvodnih napomena predsjedavajućeg, nije bilo rasprave.

Dom je, s 34 glasa „za“ (iz Federacije BiH 23, iz Republike Srpske 11), bez glasova „protiv“ i dva „suzdržana“ glasa, usvojio Zakon o zaštiti novih sorti bilja u Bosni i Hercegovini.

Ad.5. Prijedlog zakona o izmjenama i dopunama Zakona o carinskoj tarifi Bosne i Hercegovine, predlagač: Vijeće ministara BiH, zakon broj: 01, 02 – 02 – 2 - 105/09, od 17.11.2009. (drugo čitanje)

Predsjedavajući je dao kraće uvodne napomene. U raspravi je učestvovao Slavko Jovičić.

Dom je, s 33 glasa „za“ (iz Federacije BiH 21, iz Republike Srpske 12), jednim glasom „protiv“ i jednim „suzdržanim“ glasom, usvojio Zakon o izmjenama i dopunama Zakona o carinskoj tarifi Bosne i Hercegovine s amandmanom usvojenim u Izvještaju Komisije za vanjsku trgovinu i carine koji glasi:

Amandman I.

U članu 1. u naslovu TARIFNI ANEKS – TARIFNE KVOTE – žive životinje, meso i jestivi klaonički proizvodi u koloni „Ostali uslovi“ tekst st. 6.,7. i 8. mijenja se i glasi: „Vijeće ministara BiH, u zavisnosti od situacije na domaćem tržištu, u konsultacijama s Vanjskotrgovinskom komorom, te privrednim komorama entiteta može predlagati promjene pojedinih navedenih omjera. Saglasnost daje Parlamentarna skupština BiH.

Vijeće ministara BiH može, uz saglasnost Parlamentarne skupštine BiH, maksimalno dva puta godišnje ponoviti utvrđene kvote za pojedine tarfne oznake na osnovu dokaza o opravdanosti te odluke za privredu BiH.

Roba koja se stavlja u slobodan promet, uz korištenje uvoznih tarifnih kvota, podliježe carinskoj kontroli krajnje upotrebe. Između uvoznika i prerađivača ne može biti posrednika.“

Ad.6. Prijedlog zakona o izmjenama i dopunama Zakona o politici direktnih stranih ulaganja u Bosni i Hercegovini, predlagač: Vijeće ministara BiH, zakon broj: 01, 02 – 02 – 4 – 115/ 09, od 9. 12. 2009. (drugo čitanje)

Predsjedavajući Milorad Živković dao je uvodne napomene. U raspravi su učestvovali: Velimir Jukić, Slavko Jovičić, Šemsudin Mehmedović, Salko Sokolović, Mehmed Suljkanović, Milorad Živković, Slavko Matić i ministar Mladen Zirojević.

U okviru ove tačke dnevnog reda Slavko Matić predložio je sljedeći zaključak:

„Odgada se izjašnjavanje o Prijedlogu zakona o izmjenama i dopunama Zakona o politici direktnih stranih ulaganja u Bosni i Hercegovini i vraća se nadležnoj komisiji na ponovno razmatranje.“

Predsjedavajući je napomenuo da se Dom može izjasniti samo o prvom dijelu zaključka, s obzirom da ne postoji poslovnička mogućnost za realizaciju drugog dijela zaključka.

Dom je, s 27 glasova „za“ (iz Federacije BiH 22, iz Republike Srpske pet), jednim „protiv“ i osam „suzdržanih“ glasova, usvojio zaključak Slavka Matića koji sada glasi:

„Ogda se izjašnjavanje o Prijedlogu zakona o izmjenama i dopunama Zakona o politici direktnih stranih ulaganja u Bosni i Hercegovini.“

Ad.7. i 8.

Predsjedavajući Živković predložio je a Dom prihvatio da se vodi jedinstvena rasprava o Prijedlogu zakona o izmjenama i dopunama Zakona o Javnom radiotelevizijskom sistemu Bosne i Hercegovine i Prijedlogu zakona o izmjenama i dopunama Zakona o Javnom radiotelevizijskom servisu Bosne i Hercegovine. Rasprave nije bilo.

Dom je, s 32 glasa „za“ (iz Federacije BiH 21, iz Republike Srpske 11), dva glasa „protiv“ i jednim „suzdržanim“ glasom, usvojio Zakon o izmjenama i dopunama Zakona o Javnom radiotelevizijskom sistemu Bosne i Hercegovine.

Zatim je Dom, s 33 glasa „za“ (iz Federacije BiH 22, iz Republike Srpske 11), dva glasa „protiv“ i jednim „suzdržanim“ glasom, usvojio Zakon o izmjenama i dopunama Zakona o Javnom radiotelevizijskom servisu Bosne i Hercegovine.

Ad.9. Prijedlog zakona o izmjenama i dopunama Zakona o komunikacijama, predlagač: Vijeće ministara BiH, zakon broj: 01, 02, - 02 – 3 – 99 /09, od 16. 10. 2009. (drugo čitanje)

Nije bilo rasprave, nakon uvodnih napomena Milorada Živkovića.

Zakon o izmjenama i dopunama Zakona o komunikacijama usvojen je s 32 glasa „za“ (iz Federacije BiH 21, iz Republike Srpske 11), dva glasa „protiv“ i jednim „suzdržanim“ glasom.

Ad.10. Prijedlog zakona o obligacionim odnosima, predlagač: Vijeće ministara BiH, zakon broj: 01,02 – 02 – 5 - 3/10, od 18.1.2010. (prvo čitanje)

Nakon kratkih uvodnih napomena predsjedavajućeg, u raspravi su učestvovali: Šefik Džaferović, Ekrem Ajanović, Velimir Jukić, Beriz Belkić, Denis Bećirović, Milorad Živković, Remzija Kadrić i ministar Bariša Čolak.

„Za“ Prijedlog zakona glasalo je 25 poslanika (iz Federacije BiH 23, iz Republike Srpske dva), „protiv“ je glasalo 11, a niko nije bio „suzdržan“. Predsjedavajući je konstatirao da nema potrebne entitetske većine, pa je Kolegij odmah proveo usaglašavanje. Kako nije postignuta saglasnost, prešlo se u drugi krug glasanja.

U drugom krugu, „za“ je glasalo 25 poslanika (iz Federacije BiH 23, iz Republike Srpske dva), „protiv“ je glasalo 11 poslanika (iz Republike Srpske), a niko nije bio „suzdržan“. Predsjedavajući je konstatirao da je Prijedlog zakona odbijen u prvom čitanju.

Ad.11. i 12.

Na prijedlog Milorada Živkovića, a uz saglasnost Doma, vodila se jedinstvena rasprava o Prijedlogu zakona o autorskim i srodnim pravima i Prijedlogu zakona o kolektivnom ostvarivanju autorskih i srodnih prava, u kojoj su učestvovali: Šefik Džaferović, Martin Raguž, Velimir Jukić, Milorad Živković i direktorica Instituta za intelektualno vlasništvo BiH Lidija Vignjević.

Zaključak je predložio Milorad Živković.

„Za“ Prijedlog zakona o autorskim i srodnim pravima glasala su 33 poslanika (iz Federacije BiH 22, iz Republike Srpske 11), „protiv“ je glasao jedan poslanik a jedan je bio

„suzdržan“. Predsjedavajući je konstatirao da je Dom usvojio Prijedlog zakona u prvom čitanju.

Zatim je, s 32 glasa „za“ (iz Federacije BiH 21, iz Republike Srpske 11), bez glasova „protiv“ i dva „suzdržana“ glasa, Dom usvojio Prijedlog zakona o kolektivnom ostvarivanju autorskih i srodnih prava.

Na kraju se Dom izjašnjavao o predloženom zaključku Milorada Živkovića koji glasi:

Zadužuje se Ustavnopravna komisija Predstavničkog doma da, u saradnji s Ustavnopravnom komisijom Doma naroda, organiziraju i provedu javnu raspravu o Prijedlogu zakona o autorskim i srodnim pravima i Prijedlogu zakona o kolektivnom ostvarivanju autorskih i srodnih prava, na koju će biti, putem sredstava informiranja, pozvana sva zainteresirana pravna i fizička lica s teritorije BiH.

Dom je jednoglasno usvojio navedeni zaključak s 36 glasova „za“ (iz Federacije BiH 23, iz Republike Srpske 13).

Ad.13. Prijedlog zakona o izmjeni i dopunama Zakona o carinskoj politici Bosne i Hercegovine, predlagač: Vijeće ministara BiH, zakon broj: 01, 02 – 02 – 2 - 1/10, od 6. 1. 2010. (prvo čitanje)

Nakon uvodnih napomena predsjedavajućeg, nije bilo rasprave o ovoj tački dnevnog reda.

"Za" Prijedlog zakona glasalo je 27 poslanika (iz Federacije BiH 23, iz Republike Srpske četiri), „protiv“ je glasao jedan a osam poslanika bilo je „suzdržano“. Predsjedavajući je konstatirao da nema dovoljne entitetske većine, te da će se Kolegij kao komisija pokušati usaglasiti u roku od tri dana, o čemu će obavijestiti Dom.

Ad.14. Prijedlog zakona o izmjenama i dopunama Zakona o osnovama sigurnosti saobraćaja na putevima u Bosni i Hercegovini, predlagač: Vijeće ministara BiH, zakon broj: 01, 02 – 02 – 3 - 8/10, od 19.1.2010. (prvo čitanje)

Nakon uvodnih napomena predsjedavajućeg, u raspravi su učestvovali Branko Dokić i Mirko Okolić.

Prijedlog zakona usvojen je u prvom čitanju s 35 glasova „za“ (iz Federacije BiH 23, iz Republike Srpske 12), bez glasova „protiv“ i jednim „suzdržanima“ glasom.

Ad.15. Prijedlog zakona o radnom vremenu, obaveznim odmorima mobilnih radnika i uređajima za evidentiranje u drumskom prijevozu, predlagač: Vijeće ministara BiH, zakon broj: 01,02 – 02 – 3 - 2/10, od 8. 1. 2010. (prvo čitanje)

Nakon uvodnih napomena predsjedavajućeg, nije bilo rasprave.

Prijedlog zakona usvojen je u prvom čitanju s 35 glasova „za“ (iz Federacije BiH 23, iz Republike Srpske 12), bez glasova „protiv“ i jednim „suzdržanima“ glasom.

Ad.16. Prijedlog zakona o izmjenama i dopunama Okvirnog zakona o visokom obrazovanju, predlagač: poslanik Denis Bećirović, zakon broj. 01 – 02 – 7 - 108/09, od 24. 11. 2009. (prvo čitanje)

Predsjedavajući je dao kratke uvodne napomene. U raspravi su učestvovali: Drago Kalabić, Denis Bećirović, Mirjana Malić, Branko Dokić, Momčilo Novaković, Selim

Bešliagić, Mirko Okolić, Nermina Zaimović – Uzunović, Beriz Belkić, Vinko Zorić, Slavko Matić, Šemsudin Mehmedović i Savo Erić.

„Za“ Prijedlog zakona glasalo je 20 poslanika (iz Federacije BiH 18, iz Republike Srpske dva), „protiv“ je glasalo 11 a četiri su bila „suzdržana“. Predsjedavajući je konstatirao da nema potrebne entitetske većine, pa je Kolegij odmah proveo usaglašavanje. Kako nije postignuta saglasnost, prešlo se u drugi krug glasanja.

U drugom krugu, „za“ je glasalo 20 poslanika (iz Federacije BiH 18, iz Republike Srpske dva), „protiv“ je glasalo 11 (iz Republike Srpske), a četiri su bila „suzdržana“.

Predsjedavajući je konstatirao da je Prijedlog zakona odbijen u prvom čitanju.

Predsjedavajući Živković stavio je na glasanje prijedlog da se današnja sjednica prekine i da nastavak bude u srijedu, 10. februara 2010., u 10 sati. Ovaj prijedlog usvojen je s 22 glasa „za“ (iz Federacije BiH 14, iz Republike Srpske osam), bez glasova „protiv“ i dva „suzdržana“ glasa.

Sjednica je prekinuta u 11,40 sati.

Nastavak 71. sjednice Predstavničkog doma Parlamentarne skupštine BiH održan je 10. februara 2010.

Sjednica je počela u 10 sati.

Sjednici je prisustvovalo 37 poslanika.

Sjednici nisu prisustvovali: Ekrem Ajanović, Rifat Dolić, Jerko Ivanković Lijanović, Sefer Halilović (opravdali izostanak) i Zlatko Lagumdžija.

Iz Vijeća ministara BiH prisustvovali su ministri Sredoje Nović i Rudo Vidović.

Iz međunarodnih organizacija sjednicu su pratili predstavnici: OHR-a, OSCE-a, USAID/PSP u BiH, te nevladine organizacije Centri civilnih inicijativa.

Predsjedavajući je podsjetio da je prvi dio sjednice završen raspravom o tački 16. tako da slijedi:

Ad.17. Prijedlog zakona o porezu na dodatu vrijednost s Mišljenjem Komisije za finansije i budžet (predlagač: Klub poslanika SNSD-a, zakon broj: 01-02-4-35/09, od 10.4.2009.)

Nakon uvodnih napomena predsjedavajućeg, nije bilo rasprave o ovoj tački dnevnog reda.

„Za“ Mišljenje Komisije glasalo je 20 poslanika (iz Federacije BiH 18, iz Republike Srpske dva), „protiv“ je glasalo pet, a 11 je bilo „suzdržanih“. Predsjedavajući je konstatirao da nema potrebne entitetske većine, pa je Kolegij odmah proveo usaglašavanje. Kako nije postignuta saglasnost, prešlo se u drugi krug glasanja.

U drugom krugu, „za“ je glasalo 20 poslanika (iz Federacije BiH 18, iz Republike Srpske dva), „protiv“ je glasalo osam (iz Federacije BiH četiri, iz Republike Srpske četiri), a osam je bilo „suzdržanih“.

Predsjedavajući je konstatirao da je Dom prihvatio negativno Mišljenje Komisije za finansije i budžet, te da je Prijedlog zakona o porezu na dodatu vrijednost odbijen u prvom čitanju.

Ad.18. Izvještaj komisije Kolegija o nastojanju za postizanje saglasnosti o Prijedlogu zakona o dopuni Krivičnog zakona Bosne i Hercegovine, predlagač: poslanik Denis Bećirović – zakon u prvom čitanju

Predsjedavajući Živković dao je kratke uvodne napomene. Nije bilo rasprave.

Prijedlog zakona usvojen je u prvom čitanju s 23 glasa „za“ (iz Federacije BiH 21, iz Republike Srpske dva), osam glasova „protiv“ (iz Republike Srpske) i četiri „suzdržana“ glasa.

Ad. 19. Izvještaj komisije Kolegija o nastojanju za postizanje saglasnosti o prijedlogu zaključka poslanika Vinka Zorića sa 68. sjednice Doma, održane 30. 12. 2009., koji glasi: „Iz budžetske rezerve bit će izdvojeno 700.000. KM za vrhunske rezultate sportista. Sredstvima će raspolagati Ministarstvo civilnih poslova BiH, odnosno Vijeće ministara BiH, po jasno utvrđenim kriterijima a dobiti ih mogu savezi registrirani na nivou Bosne i Hercegovine čije su reprezentacije postigle uspjehe na međunarodnim takmičenjima. Sredstva se dodjeljuju tokom godine kad bude ostvaren dobar rezultat. Isto tako, Ministarstvo može podržati međunarodna takmičenja na nivou reprezentacija“ (odgođeno izjašnjavanje na 70. sjednici, održanoj 21. 1. 2010.)

Predsjedavajući je dao kratke uvodne napomene, te je informirao Dom da su Kolegij Doma i Kolegij Doma u proširenom sastavu ustanovili da je u zaključku napravljena tehnička greška, te da je, umjesto 300.000 KM, stavljen iznos od 700.000 KM. Kolegij Doma je, u skladu s članom 80. stav (3) Poslovnika, postigao saglasnost novim rješenjem koje nije bilo predmet glasanja u Domu, tako se novčani iznos od 700.000 KM mijenja novčanim iznosom od 300.000 KM.

Za izmijenjeni zaključak glasalo je 33 poslanika (iz Federacije BiH 22, iz Republike Srpske 11), niko nije glasao „protiv“ a dva poslanika bila su „suzdržana“. Predsjedavajući je konstatirao da je Dom usvojio zaključak koji sada glasi:

„Iz budžetske rezerve bit će izdvojeno 300.000 KM za vrhunske rezultate sportista. Sredstvima će raspolagati Ministarstvo civilnih poslova BiH, odnosno Vijeće ministara BiH, po jasno utvrđenim kriterijima a dobiti ih mogu savezi registrirani na nivou Bosne i Hercegovine čije su reprezentacije postigle uspjehe na međunarodnim takmičenjima. Sredstva se dodjeljuju tokom godine kad bude ostvaren dobar rezultat. Isto tako, Ministarstvo može podržati međunarodna takmičenja na nivou reprezentacija“.

Ad.20. Izvještaj o reviziji izvršenih donacija Visokog sudskog i tužilačkog vijeća BiH u periodu od 2006. do 2008. (materijal Ureda za reviziju institucija BiH, akt broj: 01,02-16-1-1372/09, od 7.12.2009.)

Nakon kratkih uvodnih napomena predsjedavajućeg, u raspravi su učestvovali: Husein Nanić, Beriz Belkić, Sadik Bahtić i Bajazit Jašarević.

Husein Nanić predložio je zaključak.

Dom je, s 34 glasa „za“ (iz Federacije BiH 22, iz Republike Srpske 12), bez glasova „protiv“ i jednim „suzdržanim“ glasom, usvojio Izvještaj o reviziji izvršenih donacija Visokog sudskog i tužilačkog vijeća BiH u periodu od 2006. do 2008., s Mišljenjem Komisije za finansije i budžet i zaključcima sadržanim u Mišljenju koji glase:

- „1. Predstavnički dom Parlamentarne skupštine BiH zadužuje Visoko sudsko i tužilačko vijeće BiH da sačini detaljan akcioni plan za otklanjanje svih propusta i nedostataka koji su navedeni u Izvještaju o reviziji izvršenih donacija s posebnim naglaskom na edukaciju osoblja za provođenje procedura javnih nabavki, te da u najkraćem roku realizira navedene revizorske preporuke.
2. Predstavnički dom Parlamentarne skupštine BiH izražava podršku Visokom sudskom i tužilačkom vijeću BiH na realizaciji projekata iz oblasti reforme pravosuđa.“

Dom je, sa 16 glasova „za“ (iz Federacije BiH 15, iz Republike Srpske jedan), četiri glasa „protiv“ i 15 „suzdržanih“, usvojio zaključak Huseina Nanića koji glasi:

„Predstavnički dom Parlamentarne skupštine BiH izražava zahvalnost svim donatorima sredstava i opreme Visokom sudskom i tužilačkom vijeću BiH za potrebe reforme pravosuđa.“

Ad.21 Izvještaj o reviziji Javnog radiotelevizijskog servisa Bosne i Hercegovine za 2008. godinu (materijal Ureda za reviziju institucija BiH, akt broj: 01,02 – 16-1-1375/09, od 7.12.2009.)

Predsjedavajući je dao uvodne napomene, nakon čega nije bilo rasprave u okviru ove tačke dnevnog reda.

Dom je, s 33 glasa „za“ (iz Federacije BiH 21, iz Republike Srpske 12), bez glasova „protiv“ i tri „suzdržana“ glasa, usvojio Izvještaj o reviziji Javnog radiotelevizijskog servisa Bosne i Hercegovine za 2008., s Mišljenjem Komisije za finansije i budžet i zaključcima sadržanim u Mišljenju koji glase:

- „1. Predstavnički dom Parlamentarne skupštine BiH zadužuje menadžment i Upravni odbor Radio-televizije BiH da sačine detaljan akcioni plan za otklanjanje svih propusta i nedostataka koji su navedeni u revizorskom izvještaju Ureda za reviziju 2008., na osnovu kojeg će u najkraćem roku realizirati sve navedene revizorske preporuke.
2. Predstavnički dom Parlamentarne skupštine BiH zadužuje menadžment i Upravni odbor Radio-televizije BiH da realizira zaključke Predstavničkog doma broj 1. i 3. sa 55. sjednice, održane 10.6.2009., koji se odnose na izradu plana sanacije i konsolidacije Radio-televizije BiH i ispitivanje prisustva monopola u radu marketinških agencija na marketinškom tržištu javnih servisa u BiH, u saradnji s Konkurencijskim vijećem BiH.“

Ad.22. Izbor tri člana Upravnog odbora Agencije za razvoj visokog obrazovanja i osiguravanje kvaliteta na period od tri godine (prijedlog jedinstvene rang-liste kandidata Privremene zajedničke komisije oba doma PSBiH broj: 01,02-50-1-49-5/10, od 18.1.2010.)

Milorad Živković dao je kratke uvodne napomene, te podsjetio Dom da je Privremena zajednička komisija oba doma Parlamentarne skupštine BiH za provođenje procedure za izbor tri člana Upravnog odbora Agencije za razvoj visokog obrazovanja i osiguravanje kvaliteta dostavila Prijedlog jedinstvene rang - liste od tri kandidata, a to su:

1. Aida Abadžić Hodžić
2. Vlado Majstorović
3. Miljan Popić

Dom, u skladu s članom 51. stav (9) Okvirnog zakona o visokom obrazovanju u BiH, imenuje tri člana na period od jedne godine.

U raspravi su učestvovali: Martin Raguž, Azra Hadžiahmetović, Halid Genjac i sekretar Doma Branka Todorović.

Azra Hadžiahmetović predložila je zaključak koji glasi:

„Ogđa se izjašnjavanje o izboru tri člana Upravnog odbora Agencije za razvoj visokog obrazovanja i osiguravanje kvaliteta do naredne sjednice. Prilog izvještaju Komisije činit će i biografije kandidata koji ispunjavaju konkursom predviđene uslove. Predstavnički dom izjašnjavat će se o svakom kandidatu pojedinačno a ne o jedinstvenoj listi.“

„Za“ prijedlog zaključka glasalo je 17 poslanika (iz Federacije BiH 15, iz Republike Srpske dva), „protiv“ je glasalo osam, a 10 je bilo „suzdržano“. Predsjedavajući je konstatirao da nema potrebne entitetske većine, pa je Kolegij odmah proveo usaglašavanje. Kako nije postignuta saglasnost, prešlo se u drugi krug glasanja.

U drugom krugu, „za“ je glasalo 17 poslanika (iz Federacije BiH 15, iz Republike Srpske dva), „protiv“ je glasalo 10 (iz Federacije BiH pet, iz Republike Srpske pet), a sedam je bilo „suzdržanih“. Predstavnički dom usvojio je navedeni zaključak.

Ad.23. Imenovanje člana Predstavničkog doma u Stalnu delegaciju Parlamentarne skupštine BiH u Parlamentarnu skupštinu Mediterana (umjesto preminulog poslanika Joze Križanovića)

Predsjedavajući je naveo da je prijedlog Kolegija u proširenom sastavu da član Predstavničkog doma bude Jerko Ivanković Lijanović. U raspravi je učestvovao Vinko Zorić.

S 35 glasova „za“ (iz Federacije BiH 22, iz Republike Srpske 13), bez glasova „protiv“ i jednim „suzdržanim“ glasom, Dom je imenovao Jerka Ivankovića Lijanovića za člana Stalne delegacije Parlamentarne skupštine BiH u Parlamentarnoj skupštini Mediterana iz Predstavničkog doma.

Ad.24. Izjašnjavanje o inicijativi poslanika Mirjane Malić za pokretanje aktivnosti nadležnih državnih organa (Vijeća ministara BiH i Parlamentarne skupštine BiH) za promjenu Ustava BiH i Izbornog zakona BiH u skladu s pravosnažnom odlukom Evropskog suda za ljudska prava

Predsjedavajući je dao uvodne napomene. U raspravi su učestvovali: Mirjana Malić, Beriz Belkić, Remzija Kadrić, Šefik Džaferović, Selim Bešlić, Branko Dokić, Bakir Izetbegović, Martin Raguž, Niko Lozančić, Denis Bećirović, Sadik Bahtić, Halid Genjac, Drago Kalabić, Adem Huskić, Milorad Živković, Milica Marković, Azra Hadžiahmetović, Slavko Jovičić, Vinko Zorić i sekretar Doma Branka Todorović.

Zaključke su predložili Mirjana Malić i Branko Dokić.

S 35 glasova „za“ (iz Federacije BiH 23, iz Republike Srpske 12), bez glasova „protiv“ i jednim „suzdržanim“ glasom, Dom je usvojio Inicijativu.

Zatim je, s 27 glasova „za“ (iz Federacije BiH 22, iz Republike Srpske pet), bez glasova „protiv“ i devet „suzdržanih“ glasova, Dom usvojio i zaključak Mirjane Malić koji glasi:

„1. Zadužuje se Vijeće ministara BiH i Centralna izborna komisija BiH da do kraja februara 2010.godine sačine plan aktivnosti (odrede zaduženja i rokove) za izmjenu Ustava BiH i neophodne izmjene Izbornog zakona BiH, koje bi značile potpunu primjenu Odluke Međunarodnog suda za ljudska prava i otklanjanje diskriminatorских odredbi iz Ustava BiH prije zakazivanja Općih izbora 2010.godine.

2.Predstavnički dom će predloženi plan razmatrati na redovnoj sjednici Predstavničkog doma, koja će biti odražana 10. marta 2010.“

Branko Dokić odustao je od predloženog zaključka.

Ad.25. Izjašnjavanje o inicijativi poslanika Adema Huskića za uvrštavanje u dnevni red Predstavničkog doma tačke: Odluka o proglašenju 27. januara Danom sjećanja na žrtve holokausta

Milorad Živković dao je uvodne napomene. U raspravi su učestvovali: Adem Huskić, Denis Bećirović, Bakir Izetbegović, Milorad Živković, Martin Raguž, Beriz Belkić, Azra Hadžiahmetović i Velimir Jukić.

Predstavnički dom je, s 34 glasa „za“ (iz Federacije BiH 23, iz Republike Srpske 11), bez glasova „protiv“ i dva „suzdržana“ glasa, usvojio Inicijativu.

Iz raprave je proizašao zaključak koji glasi:

„Zadužuje se Zajednička komisija za ljudska prava, prava djeteta, mlade, imigraciju, izbjeglice, azil i etiku da, na osnovu stenograma s današnje rasprave, u saradnji s predlagачem, sačini prijedlog akta kojim bi se zadužilo Vijeće ministara BiH da na adekvatan način pristupi donošenju akta za obilježavanje ovog dana.“

Dom je, s 32 glasa „za“ (iz Federacije BiH 21, iz Republike Srpske 11), bez glasova „protiv“ i dva „suzdržana“ glasa, usvojio navedeni zaključak.

Ad.26. Izjašnjavanje o inicijativi poslanika Adema Huskića za uvrštavanje u dnevni red Predstavničkog doma tačke: Odluka o proglašenju 11. jula Danom sjećanja na žrtve genocida u Srebrenici

Nakon što je predsjedavajući Milorad Živković dao kratke uvodne napomene, u raspravi je učestvovao Adem Huskić.

„Za“ Inicijativu su glasala 23 poslanika (iz Federacije BiH 21, iz Republike Srpske dva), „protiv“ je glasalo 11, a jedan je bio „suzdržan“. Predsjedavajući je konstatirao da nema potrebne entitetske većine, pa je Kolegij odmah proveo usaglašavanje. Kako nije postignuta saglasnost, prešlo se u drugi krug glasanja.

U drugom krugu, „za“ je glasalo 25 poslanika (iz Federacije BiH 23, iz Republike Srpske dva), „protiv“ je glasalo 11 (iz Republike Srpske), a niko nije bio „suzdržan“. Predstavnički dom nije usvojio Inicijativu.

Ad.27. Izjašnjavanje o inicijativi poslanika Remzije Kadrića, Sadika Bahtića i Adema Huskića za uvrštavanje u dnevni red Predstavničkog doma tačke: Pokretanje procedure za razrješenje Upravnog odbora Radio-televizije Bosne i Hercegovine

Predsjedavajući Živković dao je uvodne napomene, nakon čega su u raspravi učestvovali: Remzija Kadrić, Branko Dokić i Bakir Izetbegović.

Dom je, s 18 glasova „za“ (iz Federacije BiH 10, iz Republike Srpske osam), 15 glasova „protiv“ i tri „suzdržana“ glasa, usvojio Inicijativu.

Dom je, s 33 glasa „za“ (iz Federacije BiH 20, iz Republike Srpske 13), bez glasova „protiv“ i dva „suzdržana“ glasa, usvojio zaključak sadržan u Mišljenju Komisije za saobraćaj i komunikacije koji glasi:

„Predlaže se Predstavničkom domu da, u skladu s članom 26. stav 4. Zakona o Javnom radiotelevizijskom servisu BiH, zatraži mišljenje Regulatorne agencije za komunikacije o Inicijativi za pokretanje procedure za razrješenje Upravnog odbora Radio-televizije BiH.“

Ad.28. Izmjene u članstvu komisija Predstavničkog doma i zajedničke komisije oba doma:

- a) **Selim Bešliagić imenuje se za člana Zajedničke komisije za odbranu i sigurnost BiH,**
- b) **Nermina Zaimović – Uzunović imenuje se za člana Komisije za vanjsku trgovinu i carine**
- c) **Nermina Zaimović – Uzunović imenuje se za člana Komisije za ravnopravnost spolova, umjesto preminulog Joze Križanovića.**

Nakon uvodnih napomena predsjedavajućeg, nije bilo rasprave o ovoj tački dnevnog reda.

„Za“ prijedlog izmjena glasala su 33 poslanika (iz Federacije BiH 21, iz Republike Srpske 12), niko nije bio „protiv“ a dva su bila „suzdržana“, te je Dom imenovao:

- a) **Selima Bešliagića za člana Zajedničke komisije za odbranu i sigurnost BiH,**
- b) **Nerminu Zaimović – Uzunović za člana Komisije za vanjsku trgovinu i carine**
- c) **Nerminu Zaimović – Uzunović za člana Komisije za ravnopravnost spolova**

Ad.29. Imenovanje tri predstavnika iz Predstavničkog doma PSBiH u Komisiju za izbor i praćenje rada Agencije za prevenciju korupcije i koordinaciju borbe protiv korupcije

Predsjedavajući je dao uvodne napomene. U raspravi su učestvovali Azra Hadžiahmetović i Bakir Izetbegović.

Azra Hadžiahmetović predložila je da se iz Predstavničkog doma imenuju članovi Kolegija Doma: Milorad Živković, Niko Lozančić i Beriz Belkić.

Bakir Izetbegović predložio je da jedan od članova bude Husein Nanić.

Dom je glasao o prijedlogu Azre Hadžiahmetović, te je, s 20 glasova „za“ (iz Federacije BiH 10, iz Republike Srpske 10), osam glasova „protiv“ i osam „suzdržanih“ glasova, prihvatio da se u Komisiju za izbor i praćenje rada Agencije za prevenciju korupcije i koordinaciju borbe protiv korupcije imenuju: Milorad Živković, Niko Lozančić i Beriz Belkić. O prijedlogu Bakira Izetbegovića nije se glasalo.

Ad.30. Zaključak: Zadužuje se Vijeće ministara BiH, s posebnim uklonom na nadležnosti Ministarstva sigurnosti BiH, Ministarstva pravde BiH, Ministarstva za ljudska prava i izbjeglice BiH i Ministarstva vanjskih poslova BiH, da pripremi informaciju o akciji „Svjetlost“, izvršenoj 2.2.2010., s prijedlogom mjera i daljih aktivnosti, najkasnije do naredne sjednice

Nakon uvodnih napomena Milorada Živkovića, u raspravi su učestvovali: Momčilo Novaković, Denis Bećirović, Branko Dokić i Remzija Kadrić.

U raspravi su izvršene korekcije zaključka u smislu da se iz teksta brišu riječi „s prijedlogom daljih mjera“. Zaključak sada glasi:

„Zadužuje se Vijeće ministara BiH, s posebnim uklonom na nadležnosti Ministarstva sigurnosti BiH, Ministarstva pravde BiH, Ministarstva za ljudska prava i izbjeglice BiH i Ministarstva vanjskih poslova BiH, da pripremi informaciju o akciji „Svjetlost“, izvršenoj 2.2.2010., i daljnje aktivnosti, najkasnije do naredne sjednice.“

Dom je usvojio zaključak, s 35 glasova „za“ (iz Federacije BiH 22, iz Republike Srpske 13), bez glasova „protiv“ i jednim „suzdržanim“ glasom.

Ad.31. Razmatranje inicijative za donošenje odluke o osnivanju privremene komisije Predstavničkog doma za izradu Prijedloga zakona o popisu stanovništva, domaćinstava i stanova u Bosni i Hercegovini 2011. godine

Predsjedavajući je dao uvodne napomene. U raspravi je učestvovao Branko Dokić.

Dom je jednoglasno, s 36 glasova „za“ (iz Federacije BiH 23, iz Republike Srpske 13), usvojio Inicijativu, uz zaduženje predlagača da dostavi prijedlog zaključka koji će biti tačka dnevnog reda na sljedećoj sjednici Doma.

Ad.32. Davanje saglasnosti za ratifikaciju:

- a) **Sporazuma između Ministarstva vanjskih poslova BiH i Federalnog ministarstva evropskih i međunarodnih poslova Republike Austrije o saradnji u oblasti razvoja,**
- b) **Ugovora o kreditu za projekat izgradnje postrojenja za desumporizaciju gorivnih plinova za termoelektranu Ugljevik između Japanske agencije za međunarodnu saradnju i Bosne i Hercegovine,**
- c) **Ugovora o zajmu i projektu između KfW, Frankfurt na Majni, i Bosne i Hercegovine i Republike Srpske i Grada Banje Luke - Vodosnabdijevanje i kanalizacija u Gradu Banjoj Luci (komponenta 1: vodosnabdijevanje),**
- d) **Ugovora o finansiranju i projektu između KfW, Frankfurt na Majni, i Bosne i Hercegovine i Republike Srpske i Grada Banje Luke – Gradski sistem vodosnabdijevanja i odvođenja otpadnih voda u Gradu Banjoj Luci (komponenta 2: sistemi za odvođenje otpadnih voda),**
- e) **Sporazuma o zajmu između Bosne i Hercegovine, koju zastupa Ministarstvo finansija i trezora BiH, i Mađarske izvožno-uvozne banke za projekat - Tretman otpadnih voda u općini Tuzla,**
- f) **Sporazuma između Bosne i Hercegovine i Češke Republike o izbjegavanju dvostrukog oporezivanja u odnosu na poreze na dohodak i na imovinu,**
- g) **Sporazuma između Vijeća ministara BiH i Vlade Federativne Republike Brazil o oslobađanju od viza za nosioce diplomatskih, zvaničnih i službenih pasoša,**
- h) **Amandmana na Ustav Međunarodne organizacije rada iz 1997. godine.**

Predsjedavajući Milorad Živković podsjetio je da je nadležna Komisija za vanjske poslove dala pozitivno mišljenje o sporazumima, nakon čega nije bilo rasprave.

Zatim je stavio na glasanje prijedlog da se Dom u paketu izjasni o svim sporazumima.

„Za“ ovaj prijedlog glasalo je 35 poslanika (iz Federacije BiH 23, iz Republike Srpske 12), jedan poslanik glasao je „protiv“, a niko nije bio „suzdržan“. Predsjedavajući je konstatirao da je Dom prihvatio navedeni prijedlog.

Dom je jednoglasno, s 35 glasova "za" (iz Federacije BiH 22, iz Republike Srpske 13), dao saglasnost za ratifikaciju svih sporazuma od tač. a) do h).

Time je realiziran dnevni red.

Sjednica završena u 14,40 sati.

Sastavni dio Zapisnika je transkript 71. sjednice Predstavničkog doma.

SEKRETAR
PREDSTAVNIČKOG DOMA
Branka Todorović

PREDSJEDAVAJUĆI
PREDSTAVNIČKOG DOMA
dr. Milorad Živković